

دُنیا کی سب سے اُچی عمارت



جدہم کسے شہر ماجاں تے مھاری نظرات بنیا واسب تیں اُچا مکان پرٹھہر جے۔ اس کا باراں ماگھ جانن کی خواہش وی ہوئے۔ اس واسطے دُنیا کی اُچی عمارتاں کا باراں جانن کی خواہش بھی فطری ہے۔ دُنیا کی سب سے اُچی عمارت ”ایمپائر اسٹیٹ بلڈنگ“ ہے یا عمارت امریکہ کا شہر نیویارک ما واقعہ ہے۔

ایمپائر اسٹیٹ بلڈنگ 1931ء ماکمل ہوئی۔ تے تد تیں ہی یا دُنیا کی سب تو اُچی عمارت منی جے۔ اس کی 120 منزل ہیں۔ جن مادوکان، رہائشی فلیٹ تے دفتر قائم ہیں۔ 1250 فٹ اُچی اس عمارت گا اُپر بنیا واٹیلی ویژن کا کھمباناوی اسکی اُچائی ما شمار کیو جے تے اس کی گل اُچائی 1428 فٹ ہو جے۔

ال سمٹھ ناں کا اک شخص نے اس عمارت ناں تعمیر کرا یوتھو۔ اس پر اُس زمانہ ما 4 کروڑ 9 لکھ 48 ہزار 9 سو ڈالر کو خرچو آ یوتھو۔ یاہ عمارت اپنی خوبصورت تے مضبوطی کی وجہ سنگ ساری دُنیا ما اپنواک خاص مقام رکھے۔ نیویارک کی پنجویں شاہراہ ورنی وی ساری عمارت اسمان نا چھوتی سئی لگیں۔ ایمپائر کی جگہ پہلاں ”والڈروف اسٹوریہ“ ناں کی اک شاندار عمارت تھی اس نا پوری طرح چاڑھ کے اپریل 1930ء ماس کی تعمیر ہوئی۔



سب تیں بڑوسوال تھو تعمیراتی سامان نالیاں لیجان تے رکھن کو۔ کیوں
جے نیویارک جیا گھنی آبادی آلا شہر ماراہ چلن آلا، موٹر کاراں آلا،
لاریاں آلاں کی ہمیشہ بھیڑلدھے تے جگہ کی تنگی کی وجہ سنگ یوہ پورو
شہر اُچی عمارتاں نال بھریو وے۔ اس کو حل یوہ لوڑیو گیو کہ ضرورت
کے مطابق بنان کو سامان تعمیر آلی جگہ پوہچا یو جے۔ بڑا بڑا کریں اس نا
اُپر پہچا ویں تھا۔ جد عمارت کی اُچائی بدھی تے بشکار لی منزل مادی
کریں لگایا گیا۔ ایک درمیانی اسٹیشن وی بنایو گیو۔ تاں جے سامان ہور
زیادہ اُچائی تک آسانی سنگ پہچو جاسکے۔

ایمپائر مارہن آلا واسطے ہر طراں کی سہولت ہیں۔ الگ الگ
جگہاں پر لگاوا 74 لفٹ دن رات کم کریں۔ یہ اک منٹ مابارہ سو فٹ اُپر تھلے
آتا جاتا رہیں۔ تے اک گھنٹہ ما پندرہ سو مسافراں نالے جان کو کم کریں۔
عمارت کی اُپر لی منزل پر امریکہ کی مشہور ٹیلی ویژن
کمپنیاں کا دفتر ہیں۔ جتوں دن رات پروگرام نشر ہوتا رہیں اس ضرورت

واسطے عمارت کے اُپر 122 فٹ اُچوٹا وروی بنایو گیو ہے۔ ٹاور کی مچ لیبائی کی وجہ سنگ انہاں ٹیلی ویژن اسٹیشناں کا پروگرام
دُور دُور تک دیکھیا جییں۔

ایمپائر اسٹیٹ بلڈنگ ہر لحاظ سنگ دُنیا کی اک مشہور عمارت ہے تے نیویارک آن آلا سیلانیوں واسطے خاصی کشش
رکھے۔ اس کی 68 ویں تے اُپر لی منزل پر کمرہاں کے بڑا بڑا شیشہ لایا گیا ہیں جتوں میلاں دُور تک کو سوہنو نظر اود سے۔ سیلانی
ایمپائر بلڈنگ نا دیکھن جن اس شہر بچوں نہیں جاتا۔

اتنی لمی چھڑی عمارت مابھاراسامان نائت اُت لیجان گومسلو تھو۔ عمارت ماپہلاں تیں اک پڑی بچھائی گئی ہے جس کا ذریعہ سامان کی ٹرالی لے جائی جییں۔

یہ مضبوط عمارت پوری کی پوری لوہا کا جال کی بنی وی ہے۔ اس ورسیمنٹ تے بھڑی کوکم کیوگیو ہے۔ لوہا کا کھمبا، اڑام تے چھت پہلاں ہی تیں تیار کر کے ات رکھیا گیا تے فر اُنہاں نامقررہ جگہاں ورفٹ کیوگیو۔ اُچی عمارت واسطے کئی طراں کا خطرہ وہیں۔ سب تیں بڑو خطرہ تیز ہوا کو وہے اس واسطے عمارت کا چار چو فیری ایسوانتظام کیوگیو ہے جے یوہ ہوا کو مقابلو کر سکے۔ اس کے علاوہ مندری اُڈاری آلا ہوائی جہاز وی اس واسطے خطرناک ہیں۔ اک وار دُھند ماک ہوائی جہاز اس عمارت سنگ ٹکرایو تے عمارت کی اُپرلی منزل نا نقصان پہنچو۔ ہُن اس ورتوجہ دتی جے۔



پرٹھوتے سمجھو:

- شاہراہ : بڑی سڑک
تعمیر : بنانا
سیلانی : سیر کرن واسطے آن آلا لوک
کشش : کھچ، خوبصورتی جیہڑی چنگی لگے

ہُن تم انہاں سوالاں گا جواب دیو:

- ۱- دُنیاک سب تُوں اُچی عمارت کوناں کے ہے؟
- ۲- یاہ عمارت کس ملک تے کس شہر ما واقعہ ہے؟
- ۳- یاہ عمارت کس سن ماں بڑی؟
- ۴- ایمپائرز بلڈنگ نا بنان آلا شخص کوناں کے تھو؟
- ۵- اس عمارت کی اُچائی کتنا فٹ ہے؟
- ۶- اس عمارت کی آخری منزل کا چھت ور کے لگوو ہے؟
- ۷- اس عمارت نا بنان ور کتنو خرچو آئیو؟
- ۸- اُس گا اُپر لگا ٹاور کی اُچائی کتنی ہے؟

خالی جگہاں نامناسب لفظاں سنگ بھرو:

”ایمپائر اسٹیٹ بلڈنگ“ ہے یا عمارت کا شہر نیویارک ما واقعہ ہے۔ (برطانیہ، امریکہ، روس)

ایمپائر اسٹیٹ بلڈنگ 1931ء ماکمل ہوئی۔ تے تدتیں ہی یا دُنیا کی سب تو عمارت منی ہے۔

(مہندری، اُچی، چھوٹی)

اک گھنٹہ ما پندر اسو اس نالا ہن لے جان کو کم کریں۔ (مسافر، لوک، آدمی)

..... کی مچ لمبائی کی وجہ سنگ انہاں ٹیلی ویژن اسٹیشناں کا پروگرام دُور دُور تک دیکھیا جیں۔

(ٹاور، کندھ، رستو)

ایمپائر اسٹیٹ بلڈنگ ہر لحاظ سنگ دُنیا کی اک مشہور عمارت ہے تے نیویارک آن واسطے خاصی کشش رکھے۔

(سیلانی، لوکاں، سائنس دانان)

اتنی لمی چھری عمارت ما بھاراسا مان نا انگاں اُنگاں لیجان گو تھو۔ (مسلو، رستو، مشکل)

جملان ما استعمال کرو:

